



Islam ezali kotatola nzambe mosusu azali te kaka Allah, mpe Muhammad azali Ntoma ya Nzambe, mpe kotia losambo, kofuta zakat, na kokanga carême ya Ramadan, mpe kosala Hijja na maka pona mutu oyo akoki na yango

Kowuta na maloba ya Omar bin Al-Khattab, Nzambe asepela na ye, alobaki : Tango tozalaki na Ntoma ya Nzambe (s.a.w) Nzambe apambola ye pe apesa ye kimia, mokolo moko, mobali moko abimaki liboso na biso, alataki bilamba ya pembe makasi, na suki ya mwindo makasi, na azalaki na elemba ya kosala mobembo te, mpe mutu Moko te kati na biso ayebaki ye, kino afandaki pemberi ya ntoma (s.a.w) nzambe apambola ye mpe apesa ye kimia, mpe akangisaki mabolongo na ye na mabolongo ya ntoma, mpe atiyaki maboko na ye Na makolo na ye, mpe alobaki : O Muhammad, pesa ngayi Sango ya Islam? Na sima Ntoma (s.a.w) Nzambe apambola ye pe apesa ye kimia, alobaki : « Islam ezali kotatola nzambe mosusu azali te kaka Allah, mpe Muhammad azali Ntoma ya Nzambe, mpe kotia losambo, kofuta zakat, na kokanga carême ya Ramadan, mpe kosala Hijja na maka pona mutu oyo akoki na yango” Alobaki naye: olobi yasolo. Alobaki: Tokamwaki ye, azotuna ye mpe azondima ye, Alobaki lisusu: lobelangayi bondimi, ntoma Alobaki: “Kondimela Nzambe, na ba anzelu naye, na mikanda naye, na bamemi-nsango naye, mpe na Mokolo ya Nsuka, mpe na kondima na oyo ekomeli yo Malamu na yango na mabe.” Alobaki naye : olobi Yasolo. Alobaki lisusu: yebisa ngayi ihsan, ntoma Alobaki: “Kosambela Nzambe lokola ozomonaye, ata soki ozomonaye te, ye azo mona yo.” Alobaki: Bongo yebisa ngayi Ngonga, ntoma Alobaki: motuni azali na boyebi nayango koleka oyo atuniye. Alobaki yebisanga bilembo na yango, ntoma alobaki : “ mowumbo ya mwasi akobota nkolo na ye ya mwasi, mpe okomona babateli mpate ya mpamba, makolongolu bazangi bilamba babola, bakozala kowelana mpo na kotonga bandako ya likolo”. (Ouma)alobaki: mutu Wana Sima akendaki, mpe natikalaki mwa tango, sima ntoma alobaki na ngayi : « O Umar, oyebi nani azalaki motuni?” Nalobaki: Nzambe na Ntoma naye nde bayebi, Alobaki: “ezalaki Gabriele ayaki epayi na bino mpo na kotangisa bino lingomba na bino”.

[صحيح] [رواه مسلم]

Omar bin Al-Khattab, Nzambe asepela na ye, ayebisi biso ete Gabriel, kimia ezala likolo na ye, abimaki liboso ya ba compagnons, Nzambe asepela na bango, na lolenge ya mutu oyo ayebani te, azalaki na bilamba ezalaki mpembe makasi, na Suki naye ezalaki mwindo koleka, mpe azalaki na bilembo ya mobembo te, to komonana likolo na ye, na ndakisa komonana

yaye kolemba, to kozala na mputulu, nsuki oyo epanzani, mpe bilamba ya bosoto Ezalaki te, mpe moko te kati na bato oyo bazalaki wana bayebaki ye. Na bango Bazalaki kofanda na Ntoma (s.a.w) Nzambe apambola ye pe apesa ye kimia, yango wana yepe ayaki kofanda liboso ya Ntoma, Nzambe apambola ye pe apesa ye kimia, lokola moyekoli, pe atunaki ye makambo ya Islam, pe ayanolaki ye, makonzí na yango, oyo esangisi kondima kotatola makambo mibale ya Litatoli, kosambela mabondeli mitano ya mikolo na mikolo, kofuta zakat na baoyo babongi na yango, kokanga carême na sanza ya Ramadan, mpe kosala mobembo ya Hajj mpo na baoyo bazali na makoki. Motuni alobaki: Olobi yasolo, Baswahaba bakamwaki na motuna na ye, oyo alakisaki kozanga boyebi, na oyo ezali polele, mpe na nsima azondima yango. Na nsima atunaki ye na ntina ya kondima, mpe ayanolaki ye na makonzi motoba, oyo esangisi kondima bozali ya Nzambe Mozwi-ya-Nguya-Nyonso mpe bizaleli na Ye, kopona ye moko mpo na misala naye lokola bozalisi, kopona ye moko mpo na losambo, mpe ba anzelu oyo Nzambe akela bango na lumière bazali basali ya lokumu oyo basalaka masumu te mpe batosaka Nzambe Mozwi-ya-Nguya-Nyonso na etinda naye basalaka yango. Kondima mikanda oyo emonisamaki na bamemi-nsango oyo ewutaki na Nzambe Mozwi-ya-Nguya-Nyonso, lokola Coran, Torati, Nsango Malamu, mpe misusu, na bamemi-nsango oyo bazalaki kolakisa lingomba ya Nzambe, bakisa mpe Noa, Abraham, Moize, Yesu, mpe ya nsuka na bango ezalaki Muhammad, Nzambe apambola bango mpe apesa bango kimia, mpe basakoli mosusu na bamemi-nsango, mpe kondima na Mokolo ya Nsuka, na oyo ekoyaka sima ya liwa esangisi lilita na bomoyi, mpe mutu akosekwa sima ya liwa na akozala na mokumba, mpe nsuka na ye ezali paradis to Lifelo, Mpe kondima ete Nzambe atye makambo, Engebene oyo boyebi na ye ezalaki liboso, bwanya na ye esengelaki, mpe bokomi na ye mpo na ntina wana, bolingo naye, mpe likambo na yango engebene na oyo ye atindaki, na ba oyo akelaki bango. Na sima atunaki ye na ntina ya ihsani, ayebisaki ye ihsani ezali kosambela Nzambe lokola ozali komona ye, na soki akomi nano na statut oyo te, wana asengeli kosambela Nzambe Mozwi-ya-Nguya-Nyonso lokola Nzambe azo mona ye, botali oyo ezali ya likolo, mpe ya mibale ezali botali ya kolandela. Na nsima atunakiye suka ya Mokili? Mosakoli (s.a.w) mabondeli ya Nzambe mpe kimia ezala likolo na ye, alimbolaki ete boyebi ya Ngonga ezali kati na biloko oyo boyebi na yango Nzambe abombi, mpe moto moko te kati na bikelamu ayebi yango, ezala moto oyo azali na mokumba na yango to motuni. Sima atunaki ye na ntina ya bilembo ya Ngonga yasuka? Ezali polele kati ya bilembo na yango ezali na ebele ya makango mpe bana na bango, to ebele ya kozanga botosi ya bana epai ya ba maman na bango, kotalela bango lokola bawumbo, mpe mokili ekokoma pete mpo na babateli ya mpate na babola nsuka ya ntango, mpe bakozala na lolendo mpo na kokembisa mpe kotonga bandako. Na nsima, Ntoma (s.a.w) Nzambe apambola ye mpe apesa ye kimia, ayebisaki ete motuni ezalaki Gabriel, oyo ayaki kotangisa basahaba lingomba oyo ya malamu.

<https://sunnah.global/hadeeth/ln/show/4563>